

維摩詰經卷上

亦名不可思議法門之攝

佛國品第一

吳月氏因優婆塞支謙第二譯

聞如是一時佛遊於維耶離柰氏樹園與大比丘衆俱比丘八千菩薩三萬二千皆神通菩薩一切大聖能隨俗化佛所作者皆已得作爲法城灑護持正法爲師子吼十方聞聲衆人不請友而安之興隆寶樂能使不絕皆已降棄魔行離怨一切所化莫不信解皆度死地脫無罣礙不失辯才其念及定慄持諸寶悉成其所布施調意自損戒忍精進一心智慧善權已下得無所著不起法忍阿惟越致法輪已轉隨衆人相爲現慧德在諸衆爲正導以無畏而不動以成福祐慧之分部以相好能自嚴飾色像第一捨世間財志行高妙名稱普至有金剛志得佛聖性以法感人爲兩甘露曉衆言音所說如流其聲清淨入微妙法見生死本衆輒已斷度諸恐畏爲

師子吼不以多言其講說法乃如雷震無有量已過量以道寶之智道爲大師以知足之行現遠佛聲及法功德博入諸道順化衆生說無正比佛之智慧以十力無畏佛十八法往度惡道諸墮塗者其生五道爲大醫王以慧以善救衆人病應病與藥令得服行無量善事皆悉得無量佛國皆嚴淨無量佛慧皆修學明智之講皆聽聞明者之迹皆履行慧之德本隨次興深法之要皆已入三昧無量能悉感佛力無畏一切具足其名曰正觀菩薩見正邪菩薩定化王菩薩法自在菩薩法造菩薩光造菩薩光淨菩薩大淨菩薩辯積菩薩寶積菩薩寶掌菩薩寶印手菩薩常舉手菩薩常下手菩薩常慘菩薩常笑菩薩喜根菩薩喜王菩薩願至菩薩虛空藏菩薩寶甚持菩薩寶首菩薩寶池菩薩寶水菩薩水光菩薩捨無業菩薩智積菩薩燈王菩薩制魔菩薩造化菩薩明施菩薩上審菩薩相積

嚴菩薩師子雷音菩薩石磨王菩薩衆香首菩薩衆首菩薩常應菩薩不置遠菩薩善意諫菩薩蓮華淨菩薩大勢至菩薩闡音菩薩梵水菩薩常水菩薩寶幢菩薩勝邪菩薩嚴土菩薩金髻菩薩珠髻菩薩慈氏菩薩漏首菩薩其三萬二千菩薩皆如此上首者也復

二

有萬婆羅門皆如編髮等從四方境界來詣佛所而聽法一切諸天各與其衆俱來會聚此彼天帝萬二千釋從四方來與他大尊神妙之天及諸龍神捷沓憇阿須輪迦留羅甄陀羅摩休勒等并其衆皆來會諸比丘比丘尼優婆塞優婆夷并其衆皆來會坐彼時佛與若干百千之衆眷屬圍遶而爲說經其從須彌方外來者四面雲集一切衆會皆坐自然師子之座於是維耶離國有長者子名羅隣那竭漢言曰與五百長者子俱皆有決於無上正真之道持七寶蓋來詣佛所稽首佛足以其寶蓋共覆佛上佛之威神令一寶蓋

所說法皆現於寶蓋中悉遙見聞一切魔衆得未曾有禮佛而立國界若干莫不自見童子寶事即於佛前以偈讚曰

清淨金華眼明好 淨教滅意度無極
淨除欲疑稱無量 願禮沙門寂然迹
既見大聖三界將 現我佛國特清明

說皆取法言決衆疑 虛空神天得聞聽
經道講授諸法王 以法布施解說人
法鼓道善現上義 稽首法王此極尊
說名不有亦不無 以因緣故諸法生
非我不造彼不知 如佛清淨無惡形
始在佛樹力降魔 得甘露滅覺道成

覆此三千大千佛國於是世界諸來大衆皆見寶蓋覆此三千世界諸須彌山目隣山大目隣山雲山寶山黑山鐵圍山大鐵圍山悉現於寶蓋中此三千世界大海江河川流源泉及上日月星辰天宮龍宮諸尊神宮悉現於寶蓋中十方諸佛佛國嚴淨及十方佛在

以無心意而現行 一切異學服其名
三轉法輪於大千 受者修正質行清
天人得見從解法 為現三寶於世間
佛所說法開化人 終以無求常寂然
上智愍度老死畏 當禮法海德無邊
供養事者如須彌 無戒與戒等以慈
所演如空念普行 耽聞佛名不敬承
今奉能仁此慈蓋 於中現我三千母
諸天龍神所居宮 捷沓和等及閻叉
以知世間諸所有 十力哀現此化變
衆覩希有皆歎佛 稽首極尊大智現
童子寶事說此偈讚佛已以恭肅敬意長跪

何菩薩欲教化衆生是故攝取佛國欲使佛
國人民盡奉法律故取佛國欲使佛國人民
入佛上智故取佛國欲使佛國人民見聖典
之事而以發意故取佛國所以者何欲導利
一切人民今生佛國譬如有人欲處空中造
立宮室終不能成如是童子菩薩欲度人民
故願取佛國願取佛國者非於空也童子當
知菩薩以無求於國故於佛國得道以不言
我教詔人民生于佛土菩薩以善性於國故
於佛國得道能成衆善爲人重任生于佛土
菩薩弘其道音故於佛國得道恒以大乘正
立人民得有佛土菩薩布施爲國故於佛國
得道一切布施施諸人民生于佛土菩薩持
戒爲國故於佛國得道周滿所願以十善行
合聚人民生于佛土菩薩忍辱爲國故於佛
國得道有三十二相而自嚴飾以其忍行調
正人民生于佛土菩薩精進爲國故於佛國
得道以諸德本善修勤力合聚人民生于佛

土菩薩禪思爲國故於佛國得道以知所念正安人民生于佛土菩薩智慧爲國故於佛國得道能以正導成就人民生于佛土菩薩行四等心爲國故於佛國得道慈悲喜護護諸人民生于佛土菩薩行四恩爲國故於佛國得道惠施仁愛利人等利一切救濟合聚人民生于佛土菩薩行善權方便故於佛國得道一切行權攝人爲善生于佛土菩薩行三十七道品之法故於佛國得道以根力覺意勉進人民生于佛土菩薩分流法化故於佛國得道一切示現賢善之行得見佛土菩薩說除八難故於佛國得道一切爲斷惡道衆難而有佛土菩薩自學不識彼受故於佛國得道斷諸邪受而有佛土菩薩淨修十善之行故於佛國得道而不離偶大財梵行誠謗之語免于惡道言以柔軟不別眷屬恒與善俱無有疾慢除分心怒意以正見誨人生于佛土如是童子菩薩已應此行便有名譽已

有名譽便生善處已生善處便受其福已受其福便能分德已能分德便行善權已行善權則佛國淨已佛國淨則人物淨已人物淨則有淨智已有淨智則有淨教已有淨教則受清淨如是童子菩薩欲使佛國清淨當以淨意作如應行所以者何菩薩以意淨故得佛國淨賢者舍利弗承佛威神心念是語以意淨故得佛國淨我世尊本爲菩薩道時意豈不淨而是佛國不淨若此佛知其意即報言云何舍利弗我日月淨不見色者豈日月過也對曰不也非日月過佛言此舍利弗各在衆人無有智慧不見如來佛國嚴淨非如來各此舍利弗我佛國淨汝又未見編髮梵志謂舍利弗言惟賢者莫呼是佛國以爲不淨我見釋迦文佛國嚴淨譬如彼清淨天宮舍利弗言我見此中亦有雜糅其大陸地則有黑山石沙穢惡充滿編髮答曰賢者以聞雜惡之意不倚淨慧視佛國耳當如菩薩等

音清淨倚佛智慧是以見佛國皆清淨於是
佛即以足指案地此三千大千世界皆爲震
動若干百千珍寶積嚴處處校飾譬如衆寶
羅列淨好如來境界無量嚴淨於是悉現一
切魔衆歎未曾有而皆自見坐寶蓮華佛告
舍利弗汝且觀是佛國嚴淨對曰唯然本所

不見本所不聞今佛國土好淨悉現然舍利
弗我佛國如是爲當度不肖人故如來隨此
多慾害者現佛國異譬如諸天同金鉢食其
福多者舉手自淨如是舍利弗若人意清淨
者便自見諸佛佛國清淨當佛現此佛土嚴
淨之時八萬四千人發無上正真道意長者
子寶事并五百童子皆得柔順法忍佛現神
足於是國土莫不欣然各得其所弟子行者
天與人三萬二千人遠塵離垢諸法法眼生
其八千人漏盡意解

善權品第二

是時維耶離大城中有長者名曰維摩詰

無步在先佛已造行修善本得法忍已得辯才神通遊戲得無所畏降魔勞怨深入微妙出於智度無極善權方便博入諸道令得所願人根名德生而具足造成大道所作事勝佛聖善行皆以得立覺意如海而皆已入諸佛咨嗟弟子釋梵世主所敬欲度人故居維耶離矜行權道資財無量救攝貧民以善方便攝諸惡戒以忍調行攝諸恚怒白衣精進攝懈怠者禪定正受攝迷惑意得智慧律攝諸邪智雖爲白衣奉持沙門至賢之行居家爲行不止無巴有妻子婦自隨所樂常修梵行雖有家屬常如閑居現相嚴身被服飲食內常如禪若在博奕戲樂輒以度人受諸異道導以佛教不離聖典因諸世間俗教善語以法樂而樂之一切見敬爲供養中最所及者舊能出間一切治生諧耦雖獲俗利不以喜悅遊諸四衢普持法律入于王藏諸講法衆轉身往視不樂小道諸好學者輒身往勸

誘開童蒙入諸姪種除其欲怒入諸酒會能立其志入長者種正長者意能使樂法入居士種正居士意能除其貪入君子種正君子意能使忍和入梵志種正梵志意使行高速入人臣中正群臣意爲作端首使入正道入帝王子能正其意以孝寬仁率化薄俗入貴

樹九

七

人中能爲稚樂化正宮女入庶人中輕意愍傷爲興福力入帝釋中正帝釋意爲自在者示現無常入梵天中正梵天意能現梵天殊勝之慧入四天王正天王意能使擁護一切天下如是長者維摩詰不可稱數善權方便無所不入其以權道現身有疾以其疾故國王大臣長者居士群臣太子并餘衆輩從而問疾者無數千人其往者維摩詰輒爲說是四大身爲死亡法言諸人者是身無常爲無強爲無力爲無堅爲苦爲老爲病爲多痛畏諸仁者如此身明智者所不怙是身如聚沫澡浴強忍是身如泡不得久立是身如野馬

我無性無命無人是身無我我者轉離是身如束薪筋纏而立是身非真但巧風合是身爲荒不淨腐積是身爲虛偽而復速朽爲磨滅法是身爲灾一增百病是身老爲怨以老苦擾是身爲窮道爲要當死諸仁者此可患厭當發清淨不姪之行如佛法身吾等當學佛法身者從福祐生佛身者從智生從戒品定品慧品解品度知見品生從慈悲喜護生從布施調意自損生從忍辱仁愛柔和生從強行精進功德生從禪解定意正受生從智度無極聞德生從善權方便智謀生從一切諸

渴愛疲勞是身如芭蕉中無有堅是身如幻轉受報應是身如夢其現恍忽是身如影行照而現是身如響因緣變失是身如霧意無靜想是身如電爲分散法是身無主爲如地是身非身爲如火是身非命爲如風是身非身爲如水是身非有四大爲家是身爲空無

觀生從十力生從四無所畏生從佛十八法
生從斷一切惡法生從一切善法合會生從
諸生從誠生從不可計清淨行為成如來身
如是仁者當自勗勉欲除一切病者當發行
大道如是維摩詰為諸問疾者如應說法令
無數千人發無上正真道意

樹九

弟子品第三

於是長者維摩詰自念寢疾于牀念佛在心
佛亦悅可是長者便告賢者舍利弗汝行詣
維摩詰問疾舍利弗白佛言我不堪任詣彼
問疾所以者何憶念我昔常宴坐他樹下時
維摩詰來謂我言唯舍利弗不必是坐為宴
坐也賢者坐當如法坐不於三界現身意是
為宴坐不於內意有所作亦不於外作二觀
是為宴坐立於禪不滅意現諸身是為宴坐
於六十二見而不動於三十七品如觀行於
生死勞垢而不造在禪行如泥洹若賢者如
是坐如是立是為明曉如來坐法時我世尊

聞是法默然止不能加報故我不任詣彼問
疾佛告賢者大目撻連汝行詣維摩詰問疾
目撻連白佛言我不堪任詣彼問疾所以者
何憶念我昔為諸少年居士詣法時維摩詰
來謂我言賢者莫為居家白衣說法如賢者
所說欲說法者當為如法如法者離人垢以

不我離染塵不有命為離生死不處人為本
未斷如滅相不以煙為無墨礙至不老為諸
作斷以隨食為離諸損而一切救如空等為
無適莫以無吾為除吾我以無識心為離識
心以無倫為無有比以因緣相為入無等以
法情正學正諸情以如事入應無所入億誠

樹九

信而皆為立終始不動不動則六無倚不望
於衆人當來無作空為正止無相為惟行無
願為離淵不自舉不自容為離起分而無家
眼耳鼻口身心以過無所作亦不無心作心
得無智為離衆行法賢者為若此何說為說
法法說者為等句聞者當等聞說不如等句

彼爲非說爲非聞爲未出譬喻如幻士爲幻人說法當建是意以爲說法隨人本德所應當善見爲現智以大悲不疲忘爲成大乘於佛有返復內性清淨不斷三寶樂以是說法說是法時出尊八千居士發無上正真道意我無此辯是故我不任詣彼問疾佛告賢者大迦葉汝行詣維摩詰問疾迦葉白佛言我不堪任詣彼問疾所以者何憶念我昔於貧聚而行乞時維摩詰來謂我言如賢者有大哀捨大姓從貧乞當知以等法施普施於所行以能不食哀故從乞如不以言若作空聚所入聚中欲度男女所入城邑知其種姓轉詣

所立不在生死不住滅度如賢者食所乞與者爲非無福亦非大福爲非耗減亦非長益是爲正依佛道不依弟子之道賢者如是爲不以癡妄食國中施時我世尊聞其說是至未嘗有一切菩薩當爲作禮斯有家名乃以此辯勸發道意吾從是來希復立人爲弟子緣一覺行每事勸人學無上正真道故我不任詣彼問疾佛告長老須菩提汝行詣維摩詰問疾須菩提白佛言我不堪任詣彼問疾所以者何憶念我昔入其舍欲乞食維摩詰取我鉢盛滿飯謂我言設使賢者於食等者諸法得等諸法等者得衆施等如是行乞爲可取彼若賢者不絕姪怒癡亦不與俱一切常若不知已身已得一行爲非不明非趣有愛非得明度亦非極罪正解已解不解不縛過八邪八解正受以正定越邪定以是所乞敬一切人亦以奉敬諸佛賢聖然後自食如是食者爲非衆勞亦非無勞不有定意亦無

鉢九

十

耶婁阿夷基耶今離波休迦旃先比盧持尼
捷子等又賢者彼師說倚爲道從是師者爲
作諸見爲墮邊際不及佛處爲歸八難爲在
衆勞不信之垢不得離生死之道然其於衆
人亦爲他人想若賢者爲他人想如彼者則
非祐除也其施賢者爲逮衆魔共一手作衆

勞侶也於一切人如影想者其作如謗諸佛
毀諸經不依衆終不得滅度矣當以如是行
取乞耶時我世尊得此憫然不識是何言當
何說便置鉢出其舍維摩詰言唯須善提取
鉢勿懼云向賢者如來以想而言說乎何爲
以懼我言不也維摩詰言想爲幻而自然賢
者不曰一切法一切人皆自然乎至於智者
不以眼著故無所懼悉捨文字於字爲解脫
解脫相者則諸法也當其世尊說是語時二
百天人得法眼淨故我不任詣彼問疾佛告
邠擗文陀尼子汝行詣維摩詰問疾邠擗白
佛言我不堪任詣彼問疾所以者何憶念我

昔在他方大樹下爲阿夷恬行比丘說死畏
之法時維摩詰來謂我言欲何置此人何以
教此比丘無乃反戾此摩尼之心是以爲下
正行又不當以不親人根而說其意也當取
使無瘡莫便內坏於竈在大生死可使入述
莫專道以自守之正又此賢者諸比丘在大

樹九

十一

道以有決如何忘其道意而發起以弟子行
乎是時維摩詰即如其像三昧正受念是比
丘宿命已於五百佛立德本在無上正真道
已分布因其道意而爲解說即時諸比丘稽
首禮維摩詰足以爲說如是法皆得不退轉
自從是來我念弟子未觀察人者不可爲說
法所以者何不能常定意根原知本本德如
佛世尊故我不任詣彼問疾佛告長老迦旃
延汝行詣維摩詰問疾迦旃延白佛言我不
堪任詣彼問疾所以者何憶念昔者佛爲兩
比丘粗現軌迹以便入室吾於後爲其說經
中要言無常之義苦義空義非身之義時維

摩詰來謂我言唯迦旃延無以持行有起之義爲說法也若賢者都不生不憎生不起不滅是爲無常義五陰空無所起以知是是苦義於我不我而不二是非身義不然不滅爲都滅始終滅是爲空義彼說是時其比丘本漏意解故我不任詣彼問疾佛告長老阿那律沒行詣維摩詰問疾阿那律白佛言我不堪任詣彼問疾所以者何憶念我昔於他處經行見有梵天名淨復淨與千梵俱來詣我稽首作禮問我言幾何阿那律天眼所見我答言仁者吾視三千大千佛國如於掌中觀寶冠耳時維摩詰來謂我言云何賢者眼爲受身相耶無受相也假使有受身相則與外五通等若無受相無受相者無計數則不有見我時默然彼諸梵聞其言至未嘗有即爲作禮而問言世孰復有天眼維摩詰言有佛世尊常在三昧禪志不戲悉見諸佛國不自稱說於是衆中五百梵具足發無上正真道

樹九

十一

意已皆忽然不現故我不任詣彼問疾佛告長老優波離汝行詣維摩詰問疾優波離白佛言我不堪任詣彼問疾所以者何憶念昔者有兩比丘未踐迹以爲恥將詣如來過問我言吾賢者未踐迹誠以爲恥欲往見佛願賢者解其意吾則爲之現說法語時維摩詰來謂我言唯優波離莫釋以所誨而詭其行也又賢者未踐迹者不內住不外計亦不從兩間得所以者何此本爲如來意欲爲勞人執勞惡意以解意得依者亦不內不外不從兩間得如其意然未迹亦然諸法亦然轉者亦然如優波離意之淨以意淨意爲解寧可復汙復使淨耶我言不也維摩詰言如性淨與未迹一切諸法一切人意從思有垢以淨觀垢無倒與淨亦我垢等穢濁與淨性淨性與起分一無所作又一切法可知見者如水月形一切諸法從意生形其知此者是爲奉律其知此者是爲善解於是兩比丘言上智

哉是優波離所不及也持佛上律而不能說我答言自捨如來未有弟子及菩薩辯才折疑如是聰明者也爾比丘疑解便發無上正真道意復言曰令一切人得辯才之利皆如是故我不任詣彼問疾佛告賢者羅云汝行詣維摩詰問疾羅云白佛言我不堪任詣彼

樹九

十三

問疾所以者何憶念昔時諸長者子來禮我足問我言羅云汝佛之子捨轉輪王出家爲道其出家者有何榮冀我即爲如事說沙門之榮冀時維摩詰來謂我言羅云說沙門之榮冀不當如賢者所說所以者何匪榮匪冀故爲沙門爲道者羅云離此彼中迹於泥洹受諸明智招諸聖賢降伏衆魔入五道淨五眼受五力立五根度彼岸化異學爲正導拯淤泥爲無我無彼受無起隨順絕諸忿亂降已志護彼意滅種姓開大學爲是故作沙門當教是諸童子此自然法佛興難值諸童子言居士我聞佛不教人違親爲道維摩詰言然

當觀清淨發菩薩意已應行者可得去家堅固之志即時三十二長者子皆發無上正真道意故我不任詣彼問疾佛告賢者阿難汝行詣維摩詰問疾阿難白佛言我不堪任詣彼問疾所以者何憶念昔時出尊身少中風當用牛漚我時晨朝入維耶離至大姓梵志門下住時維摩詰來謂我言賢者阿難何爲晨朝持鉢住此我言居士佛身少中風當用牛漚故我來到此維摩詰言止止唯阿難莫作是語如來身者金剛之數衆惡已斷諸善普會當有何病默往阿難勿謗如來慎莫復語無使人尊神妙之天得聞此也他方佛國諸會菩薩具得聞焉且夫阿難轉輪聖王用本德故尚得自在豈況一切施德於人而爲如來至真等正覺無量福會普勝者哉行矣阿難勿爲羞恥莫使外道異學聞此麤言何名我師自疾不能救安能救諸病人所欲疾行莫復宣言當知阿難如來法身非思欲身

佛爲世尊過諸世間佛身無漏諸漏已盡佛身無數衆行已除其病有以時我世尊大自慙懼得無近佛而過聽即聞空中聲曰是阿難如居士言但爲佛興於五濁之世故以是像開解一切貪貧之行便行阿難取漣莫慚故我不任詣彼問疾如是上首五百弟子皆

樹九

十四

說本所作一切向佛稱述維摩詰之美言

菩薩品第四

於是佛告彌勒菩薩汝行詣維摩詰問疾彌勒白佛言我不堪任詣彼問疾所以者何憶念我昔於兜術天爲諸天人講法語說菩薩大人不退轉地之行時維摩詰來問我言卿彌勒在一生補處世尊所別無上正真道者爲用何生得彌勒決用過去耶當來耶現在耶過去者生盡未來無對現在無住如佛說真生比丘曰是生是老是病是死是終是始及未生與當生此兩者非無生也由是論之不從無生得最正覺然則何用記彌勒決從

勒滅度者一切人民亦當滅度所以者何如來者不捨衆人獨滅度也必當滅度諸凡人故卿彌勒與天人談莫爲非時佛者無往亦無還返若彌勒此諸天人念欲見道則爲穿行道不從身不從正覺亦不從意耶都滅哉佛一切如化無比哉佛一切造業無爲哉佛一切不惑已斷哉佛一切遠離無欲哉佛於諸受盛不雜哉佛都以一智兼樂哉佛衆所思樂無言哉佛諸著不著住哉佛以法情作普入哉佛自然如也不二哉佛二法以離五分處知彼哉佛衆意行智上哉佛諸入不會

十五

不會哉佛近獄勞斷聖師哉佛以無比化將導一切非現名哉佛以諦見無色哉佛淨穢已離順哉佛本性已清明哉佛自然已淨無受哉佛衆網已裂不多哉佛諸法等覺無喻哉佛色好已捨妙哉佛所覺甚遠當其出尊說是法時彼諸天衆二百天人皆得不起法

忍故我不任詣彼問疾佛告光淨童子汝行詣維摩詰問疾光淨白佛言我不堪任詣彼問疾所以者何憶念我昔出維耶離大城時維摩詰方入城我即爲作禮而問居士所從來答我言吾從道場來我問道場者何所是言道場者無生之心是檢一惡意故淳淑之

心是習增上故聖賢之心是往殊勝故道意之心是不忘捨故布施之心是不望報故持戒之心是得願具故忍辱之心是不亂衆人故精進之心是無退意故禪思之心是意行出故智慧之心是慧眼見故慈心則是爲等意故悲心則是爲忍苦故喜心則是以法樂

人故護心則是爲隨道捨著故神通之心是得六通故惟務之心是無恚怒故滅心則是度人民故四恩之心是合聚人故多聞之心是從受成故不生之心是如自然觀故道品法心是不著數不墮欲故諦心則是諸出間報以不積故緣起之心是以不明不可盡至

於老死皆無盡故衆勞之靜是佛從是最正覺故衆生之心是以人物自然故諸法之心是從空最正覺故伏諸魔心是以不傾動故三界之場是雖處不墮欲故師子座場是善勝無畏故力無畏場是一切無難故三達之智是無餘里礙故一意覺場是一切智普具

十六

故如是仁者菩薩若應諸度無極如應化人如應受法已得本祠護不墮欲者是爲一切從佛心來立於一切佛法矣當其出尊說是語時有五百天與人發無上正真道意故我不任詣彼問疾佛告持人菩薩汝行詣維摩詰問疾持人白佛言我不堪任詣彼問疾所

以者何憶念我昔自於室住時天魔波旬從玉女萬二千狀如帝釋鼓樂弦歌來詣我室稽首我足與其眷屬共供養我已於一面住我意是天帝釋讚言來善來鳩夷雖福應有不當自恣一切欲樂當觀非常無強多失當修德本魔言正士受是取是萬二千女可備灑掃我言鳩夷無以此妖蠱之物要我釋迦弟子也此非我儀時維摩詰來謂我言族姓子莫於是起汙意是爲魔來燒固汝耳非帝釋也維摩詰言波旬以此與我如我應受莫與釋迦弟子魔即恐懼念維摩詰必不助我欲隱形去而不能隱盡現其神了不得去而聞空中聲曰波旬以玉女與之乃可得去魔以畏故強與玉女維摩詰言魔以女與我令汝當發無上正真道意諸玉女言其以如是從道之教發大道意者當何以自娛樂答言汝等便發無上正真道意有樂法之樂可以自娛汝等得之不復樂欲樂也即問何謂法

樂維摩詰言樂於喜不離佛樂於諦聞法樂常供養衆樂不倚三界樂於三界不嫉樂知欲無常樂觀種爲毒蛇樂隨護道意樂安諸人物樂以禮敬人樂施諸所有樂奉真人戒樂忍調不忍樂精進力知行德本樂禪善行樂智慧淵樂廣宣佛樂抑制魔樂化塵勞樂佛國淨樂以相好合會教化樂嚴道場樂三脫門樂泥洹道樂入深法不樂非時樂習自然人不樂怒不諦樂習善友樂遠惡友樂於好喜樂無量道品之法是爲菩薩樂法之樂而以自娛於是波旬謂諸玉女我欲與汝俱還天上曰以我等與此居士樂法之樂我等甚樂非復樂欲樂波旬言可捨居士此諸玉女以其所有施於彼者是爲菩薩維摩詰言我以捨矣汝便將去使一切人遵承法行所願皆得諸玉女即作禮而問言我當云何止法門當從彼受何謂無盡常開法門者譬如

一燈然百千燈冥者皆明明終不盡如是諸
姊夫一菩薩以道開導百千菩薩其道意者
終不盡耗而復增益於是功德不以導彼彼
故而有盡耗是故名曰無盡常開法門也汝
等當從受魔界無數天子玉女未有可此道
意如汝等者於如來爲有返復法爲一切人

說已魔與眷屬皆去維摩詰所感動如是
出尊故我不任詣彼問疾佛告長者子善見
汝行詣維摩詰問疾善見白佛言我不堪任
詣彼問疾所以者何憶念我昔在諸父舍盛
祀大祠至于七日時維摩詰來入祀壇謂我
言長者子不當祀祠如衆人祠當祀法祠何
用是思欲祠爲我問何如爲法之祠祀維摩
詰言其爲祠者無本行故敬侍衆人是即法
祠爲之奈何謂爲佛事不斷慈爲人事不斷
悲爲法事不斷喜爲慧力不斷護爲布施不断
斷檀戒化人不斷戒知非我不斷忍身意行
不斷精進惟道事不斷禪思爲博聞不斷智

慧若無施不斷惟空行俗數中不斷無相在
所墮生不斷無願護持正法不斷力行以恩
會人不斷壽命知人如如不斷謙敬堅其德
本不斷命則爲六思念不斷其念行六堅法
不斷學意修正受不斷淨命行好喜不斷習
真斷意不生不斷愚人爲沙門不斷正性善
諷受不斷聞德山澤受法不斷開居念生佛
慧不斷宴坐爲一切勞不斷賢者行地嚴飾
相及佛國不斷分部福行隨衆人行而爲說
法不斷分部智慧斷衆勞厄諸不善法不斷
分部一切德本一切知覺一切善法具足不
斷以道品正法懷來一切是爲法之祠祀菩
薩立法祠者爲得祠祀最偶之福爲世間上
當其世尊說是法時梵志衆中二百婆羅門
發無上正真道意我時甚自雅奇得與正士
高行者會便解頸百千珠瓔以上之不肯取
我言取是如有所悅自可與之維摩詰乃取
珠瓔分作兩分仍如祠舍持一分與諸下劣

國中貧者復持一分奉彼頭波變如來至真等正覺并見其衆及國土頭波變者漢言因受其國名炎氣皆見珠瓔縣彼佛上變成彼佛珠交露棚既見是化又聞其言如此仁人施者得近如來而上達覲不以想施貧亦等無若干念有大悲意不望其報惠此法祠爲具足已國中貧人見是變化聞彼佛語皆發無上正真道意故我不任詣彼問疾如是一切菩薩等各稱其所說不任詣彼

十九末

維摩詰經卷上

濡首上音善即文殊號也貳三丘切糅尼敷切漚音東

棚步庚切